



Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

Alkatearen memoria

2023EKO AURREKONTUEN MEMORIA

2023 aurrekontuak agintaldiaren azkenekoak dira, eta horrek esan nahi du alde batetik agintaldia osatzen duten proiektuak amaitzen eta borobiltzen doazela, baina beste aldetik, datorren legealdian presentzia izango duten proiektu estrategiko berriak ere presentzia dutela.

Horrela, herri plana integratzen duten oinarrizko partidak mantendu egiten dira eta beste berri batzuk agertu dira, epe luzeko herri planarekin zuzenean lotuta daudenak eta datorren agintaldiko hainbat proiekturi hasiera emango diotenak.

Proposatzen den aurrekontuak Arrasate aurreratua egiten jarraitu nahi du, XXI. mendeko giltzarri. Bizi dugun paradigma aldaketa eta Covid-19 birusaren ondorioz jasandako pandemiak zuzenean eragin die herritarrei, jarduera ekonomikoetan, hiri ekosisteman eta ekosistema naturalean. Horrek guztiak zerikusia du garapen eta aurrerapen sozial eta ekonomikoa planifikatzearekin ikuspegi inklusiboan eta elkarren menpekoetan.

Ildo horretan, pertsonak kokatzen dira herria eraldatzeko dinamikak sustatuko dituzten politika publikoen diseinuaren erdigunean, non komunitatearen, bizikidetzaren eta garapen iraunkorraren kontzeptuak eraldaketa horren bultzatzaile diren.

Nahiz eta aurrekontua, bere horretan, finantza administraziorako lan tresna bat izan, erabiltzen da urtean zehar zer proiektu egin planifikatzeko eta zer lerro estrategiko jorratu behar diren gauzatzeko, eta lan tresna horrek azaltzen du funtsean zer norabide jarraitu behar den.

Partida batzuetara errekurtsio garrantzitsuak bideratu dira, izan ere, egitasmo batzuk, herri proiektuaren barruan ardatz izan dira eta jarraipen berezia behar dute. Ziklo baten itxiera ematen da eta berriaren hasiera eta horregatik etxe txikietako obra egiteko 750.000€ bideratzen dira edota 1.210.000€ exekuzio fasean dauden Santa Teresako igogailuak bukatzeko.

Hala ere, fase berri bati hasiera ematen zaio eta horregatik hirigintza, Ingurumen eta Mugikortasun sailak jasaten du beherakada nagusia, %26 aurrekontu gutxiago, exekuzio fasetik proiektu fasera pasatuko garelako, hau da, etorkizuneko Arrasateko planifikatzera.

Horrela, behin Arrasateko Mugikortasun Planetik eratorritako lan ildo gehienak amaituta, esaterako, Erguin auzoko eta Santa Teresa auzorako igogailu publiko sistema edota TAO berriaren kudeaketa, orain mugikortasun plana berrikusteko garaia iritsi da eta horretara 22.000€ bideratu dira.

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

Klima Larrialdiak eta energia trantsizioak datozen urte eta hamarkadetako agenda baldintzatuko dute. Herri planaren zutabe garrantzitsua da klima larrialdiari aurre egitea, administrazio publikoak badu betebeharra eraldaketarekin aurrera egin eta paradigma berriaren baitan pausoak ematen jarraitzeko. Administrazio publiko gisa udalari ere herria jasangarriagoa egiteko egitasmoak gauzatzea dagokio. Arrasateko herriak eraldaketa ekologikoa egiteko beharra dauka, hau da, energia eredu aldatsen joan behar dugu, energia berriztagarriak sustatzen eta karbono oina murrizten. Klima Larrialdia mehatxu nagusienetarikoa da gure ongizatearentzat, eta ezinbestekoa da hura aintzat hartzea politikak diseinatu eta garatzerakoan. Erakundeek abian jarri behar dituzte politika eraginkorrak, eta herritarrekin elkarlanean ezinbestekoa izango da gizarte ohiturak aldatzen joatea, garraioan, plastikoen erabileran, kontsumoan, bizimoduan eta abarretan.

Agintaldian zehar SHREC proiektu europarra garatu da larrialdi klimatikoari aurre egiteko eta 2023ko martxoan emango zaio amaiera. Debagoiena 2030 plataforman parte hartuta, ildo estrategikoak jorratzen jarraituko dugu, hala nola, Ekiolaren kooperatiba, zeinak Leintz Bailarako 600 familiei emango dien argindar berdea planta fotovoltaikoan sorturikoa.

Marko horretan ere kokatu izan dira Eko-bulebarraren proiektua, zeinak jarraipena izango duen proiektu fasean San Frantziskotik Musakolaraino eta proiektua garatzeko bideratu diren 20.000€.

Bidegorri sarearen inplementazioarekin jarraituz, San Andres kalean Takolotik Aretxabaletara bidean proiektatu egingo da zati berria, argiteria publikoaren aldatetarekin jarraituko da led teknologiar, herri barruan eta distantzia motzak egiteko autoaren erabilera murrizteko neurriak CO2 isurketa mugatzeko helburuarekin, bizikletaren erabileraren sustapena, eta herri irisgarritasunaren hobekuntza eta mugikortasun bertikala, kasu honetan, Gorostiza auzora igogailu publiko sistemaren proiektua eginez (40.000€).

Zorrari dagokionez, zorra zero egoeran mantentzen da Arrasateko Udala, ez da aurreikusten mailegurik eskatu behar izatea.

Udala behartuta dago Foru Fondoaren eboluzioaren aurreikuspenak eta likidazioak hurbiletik jarraitzen. 2022. urterako Foru Fondoaren aurreikuspena esperokoa baino baikorragoa izan da eta nahiz eta zuhurtziaz jokatzen jarraituko dugun, udalaren finantza egoera oso osasuntsua da.

Beste alde batetik, Udalak ez ditu azken 3 urteetan tasak eta zergak igo herritarrei Foru Fondoaren eboluzio positiboari esker, Arrasateko Udalak izango du aurreko urtearekin alderatuta aurrekontu handiagoa. Gainera, gainerako instituzioetatik lortu da dirulaguntza potoloak erakartzea, zeinak izango duten isla 2023ko aurrekontuetan, batez ere, Next fondoetatik. Zentzu honetan jasotzen dira aurrekontuan 1.000.000€ko partida Santa Teresa eta Doneztebe portuko birgaitze proiektua gauzatu ahal izateko.

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

Aurrekontuak islatzen du udalak garatu nahi duen kudeaketa modua. Esan nahi du aurrera egin nahi duen herri bat izatea, pertsona guztiekin eta guztientzat; elkarrekin ezinbestean elkarlaneko gobernu eta kudeaketa eredu bat izatea. Ezarri diren helburuetako batzuk dira elkarlaneko gobernantzaren eskemetan lan egitea eta herritarren parte hartzearen bidearekin jarraitzea. Hori guztia instituzioa bera ahaztu barik, bai alderdi politikoan, bai teknikoan. Ildo horretan, administrazio publikoak erronka berriei ere aurre egin behar die, betiere kontutan izanda pertsona-biztanleak direla kudeaketa publikoko ardatz nagusia.

Laburbilduz, lan ildo honek bi ardatz ditu oinarrian: batetik, jorratu behar diren hainbat proiektutan herritarrek parte hartzeko prozesuekin jarraitzea, eta, bestetik, udal funtzionamenduaren kudeaketa eraginkor eta gardena bultzatzea, bai arlo teknikoan, bai politikoan, ordezkatuta dauden alderdi politikoen arteko bizikidetzak indartzeko.

Bide horretan bizikidetzak eta partehartzeak sail propio bat dute agintaldi honetan, eta egindako bideari jarraituz 2023. urteko aurrekontuen zati bat parte hartzailea izango da. Arrasateko Udalak aurreko agintaldian abiatu zituen lehenengoz aurrekontu partehartzaileak, eta horretarako 250.000 €ko partida bat sortu zen herritarrek proposamenak egin ahal izan zitzaten. Dagoeneko hainbat bider jarri da martxan aurrekontu partehartzailearen prozesua, eta balorazio positiboa egin den arren, hausnarketa prozesu bat medio, aurrekontu partehartzaileen dinamika berritzailea ezarri da.

Aurreko agintaldian hainbat prozesu partehartzaile jarri ziren abian eta ildo beretik jarraitu nahi dugu. 2023. urteari begira, partida batzuk jaso dira beste hainbat egitasmo aurrera eramateko, egitasmo partehartzaile ezberdinekin jarraituko da (haur kontseilua 21.716 €). Zentzu honetan, aurreko urtean egindako hausnarketa kolektiborako egitasmoak, esaterako kirol azpiegituren mapa edota Altamira auzoko ber urbanizazio proiektua, 2023. Urtean exekuzio fasean sartuko dira. San Juan Taldeko hausnarketa kolektiboaren emaitzarekin proiektua egiteko ere 20.000€ jasotzen ditu aurrekontuak.

Parte hartzearen kultura baliagarria da ezberdinen artean akordioa lortzeko, baita herritarrek administrazioarekiko duten distantzia txikitzeko ere. Horregatik, parte hartze arloaren baitan partida bat jarri da, 20.000 €, horrelako prozesuak aurrera eramateko.

Bizikidetzari dagokionez, 2016. urteko irailean Arrasateko Udalak herri mailan bizikidetzak eraikitze lanketari ekin zion, abiapuntutzat hartuta herriko memoria berreskuratzea. 2016ko irailetik 2019ko martxora bitartean Memoriaren Mahaiak burutu eta bultzatu zuen lanketa, mahaia osaturik udalean ordezkaritza politikoa duten alderdietako ordezkariek. Mahaiaren

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

helburu nagusiak izan dira Arrasateko memoria partekatua osatzea eta herri eremuan eraiki beharreko bizikidetza prozesu zabalagoa bultzatzea, eta elkarrizketa esparru horren oinarri gidariak dira elkarlana eta kontsentsua.

Azken urteotan, mahaiak urrats inportanteak eman ditu Arrasateko memoria partekatu bat eraikitze aldera eta herriko bizilagunen minak aitortze aldera. Hasiera batean mahaiak diskrezioz aritu bazen ere, 2018ko azaroaren 8an egindako prentsaurrekoaren bitartez mahaiak izaera publikoa hartu zuen. Bertan, mahaiak harturiko konpromisoak ezagutzera eman ziren, bai epe motzera, bai etorkizunari begira harturikoak.

Legealdi amaierarekin mahaiaren hiru urteko lanari amaiera eman zitzaion, bai eta bete gabeko konpromiso eta urratsak izendatu ere. Emandako urratsek eta egindako lanketak suposatu dute udalerrian abian jartzea bizikidetza eraikitze prozesu bat, baita ere, argi utzi du bizikidetza eraikitzeak ekarri duela elkarlana eta kontsentsuan oinarrituriko bide konplexua jorratzea. Jakinda prozesuan eragile batek baino gehiagok parte hartu duela, orain arteko lan esparru nagusia izan da elkarrizketa politikoa bermatu duen Memoria eta Bizikidetza mahaiak. Mahaiari nolabait jarraipena emateko, baina, era ofizialean, batzorde propio bat sortu da agintaldi honetan.

Aurrekontuetan partida bideratu da bizikidetza lantzeko elkarrizketa politikoa esparru segurua eraikitzeko, hau da, esparru bat sortzeko, aukera emango diguna bizikidetzarekin zerikusia duten gai konplexu eta delikatuen inguruan iritzia desberdinak edo kontrajarriak izendatzeko, udalerrian egun dituen beharrak, aukerak eta zailtasunak identifikatu eta egungo testuingurua eta udalean ordezkari politikoak duten alderdiek aurreko legealdian harturiko konpromisoak kontutan harturik, lan plangintza bat zehaztu eta garatzeko. Lan hori egiteko, 30.000 €ko partida bideratu da.

2023. urteko aurrekontuak jarraituko du herritarren ongizateari dagozkion helburuei lehentasuna ematen, eta apustu horren seinale da aurrekontuak %6,6 igo duela izanik aurrekontu osoa 4.156.000€.

Agintaldi honetan Gizarte Zerbitzuak eta Gazteria saila uztartu egin dira Garapen Komunitarioa sortzeko, sail bi horien arteko harremana zein elkarlana fintzeko eta hainbat zerbitzutan zein arlotan sinergiak sortzeko. Gizarte ongizatearen prestazioak mantentzeaz gain, ikuspegia zabaltzeko da herriko beharrak asetzeko helburuarekin.

Pertsonak dira lehentasuna eta lan egingo da gizarte kohesioa bermatzeko. Ildo horretatik, ezinbestekoa da laguntza eta programa sozialen mantentzea, eta gure konpromiso irmoa adierazi nahi dugu, behar izanez gero, horiek handitzeko.

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen balioztasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

Bestalde, agintaldi honetan, Eusko Jaurlaritzak aurreko legealdian onartu zuen zerbitzu sozialetako kartarako dekretu berriak abiapuntutzat hartuta, zerbitzuen mapa berri bat ezartzen da Gipuzkoan, eta zehazten da udalek zer zerbitzu eman behar dituzten. Mapa hori eskualdeko herrien artean zehaztu zen aurreko agintaldian eta mankomunitatean mahai bat sortu da zerbitzuak era amankomunean aurrera eramateko. Arrasatek, zerbitzu horien barruan eguneko zentro bat irekiko du mendekotasun baxua duten pertsonentzat bideratua Garibai kaleko 1 zenbakian. "Egunero" izenez ezagutuko den zerbitzuak, behin obra eginda eta lokala ekipatuta, zerbitzua aurrera eramateko 61.500€ jaso dira.

Gizarte ongizateko aurrekonturik altuena bideratu da etxeko laguntza zerbitzura zein pobrezia kontrako larrialdi planetarako, guztira 1.200.000 € bideratu da. Babesgabe egoerei aurre egiteko zerbitzuaren aurrekontua 360.000 € izango da eta tutoretzapeko etxebizitzaren laguntza zerbitzurako partida 60.000 €koa.

Aurreko ekitaldian eta herri proiektuari jarraikiz, hainbat egitasmo berri jarri abiatu ziren. Ekitaldi honetan ere aurreikusten da ekimen horiekin jarraitzea, herri proiektuak jarraipena izan dezan. Ekimen berri horien artean dago elikagaien bankua, eta dinamika horrekin jarraitzeko, 2.800 €ko partida bat egokitu da, bideratuko dena 8 lokalaren alokairua ordaintzeko eta beste hainbat gastu estaltzeko, funtzionamendutik eratorritakoak.

Bestetik, aurreko agintaldian abian jarri zen Lan ere Bai programa berritzailea, erreferentziazko hezitzaileekin kontsumoen inguruan zein estruktura falta duten gazteekin lanketa bat egiteko. Programa pilotu berritzaile horrek Europako laguntza jaso zuen eta aurten ere, Foru Aldundiaren babesa jaso du. Programa hau estrategikotzat jotzen du udalak, eta lokalak berritu ditu erabiltzaileekin tailerrak egin ahal izateko eta proiektuari egonkortasuna emateko. Lan ere Bai proiektuarekin aurrera egiten jarraitzeko 67.507,47€ egokitu dira.

Aurreko agintaldian abian jarri zen alokairu programa berri bat, gazteen emantzipazio aukerak areagotzeko, eta ekitaldi honetan ere 25.000 euroko partida bat bideratu da programaren jarraipena bermatzeko.

Aurreko agintaldian ere Txikitxokoa jarri zen abian, eta legealdi honetan ere aurreikusten da zerbitzuarekin jarraitzea. Horretarako, 44.575,56 euro bideratu dira.

Gazteei begirako apustuan ludoteka eta gaztetxoko zerbitzura 386.230€ bideratzen dira. Honi gehituta zerbitzuaren funtzionamendu zein garbiketa gastuak udalak gaztetxoko eta ludoteka zerbitzuetara bideratzen duen aurrekontua 440.230€koa da.

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

Era berean, Udalak 20.000€ ko partida bat zuzendu du sarrera gutxi dituzten familiak laguntzeko udalekuetan zein eskolaz kanpoko jarduerak egin ahalbideratzeko, pasa den urtean konparatuta, %50 ko igoera.

Gainera, udalak Txatxilipurdik gabon garai inguruan antolatzen duen Txikilandia egitasmoa laguntzen jarraituko du 15.000€ rekin.

Jolas-parkeak berritzeko 250.000€ bideratu dira eta aurreikusten da Zerrajera kaleko parkea estaltzea, Santa Barbaran Natur Haur Parke bat egitea eta Obenerrekako parkea berritzea. Era berean, Zigarrolan estalpe bat jartzeko 50.000€ bideratu dira.

Aurreko agintaldian Udalak hasi zuen ekimen berritzaile bat San Juan de Dios ospitalearekin elkarlanean droga-mendekotasuna ardatz zuena herriko ikastetxe komunitatearekin elkarlanean. Programa horren baitan diagnosi bat egin zen eta orain jarraipena eman nahi zaio ekintza planarekin. Horregatik, EKKO proiektuarekin jarraitzeko 85.000€ko aurrekontua bideratu da.

Helburu estrategikoa da Arrasate izatea lan inguru aproposa, herri bizia eta erakargarria, eta horregatik atal honek berebiziko garrantzia du. Arrasate udalerririk beste udalerririk batzuetako langile asko jaso izan du eta jasotzen du, eta horren adibide da demografikoki geldituta dagoen herria dela: 2010. urteaz geroztik, 22.000 biztanleren bueltan mantentzen da; 1980. urtea izan zen herritar gehien izan zituen urtea (26.000 biztanle inguru). Udalerririk erakargarria izaten jarraitu nahi du, lan egiteko nahiz bizitzeko.

Aurreko agintaldian, hausnarketa estrategikoa bat egin zen bailarako hainbat eragilerek eta enpresarekin "etorkizuneko giltza zarelako" egitasmoaren barruan, eta hortik eratorritako hausnarketa kolektiboaren ondorioz, aspektu hauek jaso ziren herriaren etorkizunera begira: Arrasateko enpresen arteko komunitate balioak, lankidetzak, talde lana indartzea; sinergiak eta proiektu berriak sortzea enpresen artean; "Arrasate" sortzen jarraitzea udalerririkaren irudi positiboa emanez eta ekintzak eginez udalerririk erakargarriago bat sortzeko.

Gainera, agintaldi honetan erabaki zen enplegua eta hezkuntza batzea, ulertuta enplegu duin bat lortzeko lehen pausua dela formakuntza egoki bat izatea, kontuan izanda herrian badirela eskolak, lanbide heziketako zentroa, unibertsitatea, hizkuntza eskola eta abar. Horregatik, bateratu egin dira arlo horietan sinergiak lortzeko.

Lehentasunetako bat da aurreko legealdian hasitako proiektu berri estrategikoekin jarraitzea, esaterako, lan merkatuan txertatzeko zailtasunak dituzten pertsonen enplegarritasuna handitzen, eta horri lotuta martxan jarri da Basolan proiektua, 131.028,00€ko aurrekontuarekin.

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

Baita ere, enplegarritasuna hobetzea helburu duen Santa Teresako enplegu plan espezifiko jarri da martxan, 304.000€ko aurrekontuarekin.

Bestalde, klima aldaketarekin zerikusia daukan proiektu europarrak (10.000 euro) guztiz bat egiten du herri planarekin eta Debagoiena 2030 plataformarekin uztartuko da. Gainera, Ekiola proiektuarekin jarraitzeko 35.000€ jaso dira.

Aktibitateak, foroak eta lan azokak gauzatzeko, 15.000 euro. Mondragon City Challenge egitasmoarekin jarraitzeko 42.000€ barneratu dira, izan ere lehen edizioa arrakastatsua izan da oso, bai partehartzearen aldetik, baita edukien aldetik ere. Egitasmo hau elkarlanean gauzatzen da Euskadiko Kooperatiben Goren Kontseiluarekin, Mondragon Taldearekin, Eusko Jaurilaritzarekin, Gipuzkoako Foru Aldundiarekin, Mondragon Unibertsitatearekin zein hainbat enpresa ezberdinekin.

Mantendu egiten dira enpresa berriak sortzen laguntzeko fondoa (35.000 €) eta langabeen formakuntza gastuetarako laguntza programa (30.000 €). Bestalde, langabeak kontratatuzeko laguntza 87.500 euroan ezarri da aurreko urteetako eboluzioari erreparatuta.

Udalak jarraituko du kolaborazio publiko-pribatuan lan egiten eta Saiolan erakundearekin lankidetzan; entitate horri egiten zaion aportazioa da 20.000 euro. Era berean, Debagoieneko Mankomunitateko enplegu sailari emango zaio 102.500 euro.

Hezkuntzan eragitea garrantzitsua da, eta eraikinetan inbertsioak egiteko eskolekin elkarlanean, 100.000 euro bideratu dira. Era berean hezkuntza arloan, formakuntza formala eta ez formala hartuko duen herri diagnosi bat egingo da HUEZI rekin elkarlanean eta horretarako 25.000€ jaso dira. Asmoa da diagnosis egin eta gero bertatik eratorritako emaitzekin eskuhartze komunitario bat martxan jartzea gure herriko herritarren integrazioa hobetuko duena.

Aurreko legealdian hainbat inbertsio egin ziren mugikortasunaren bidetik: Makatzenako igogailu publikoa, espaloiak zabaltzea, urbanizazio berriak eta abar. Abian jarri ziren proiektu estrategiko batzuk, auzoetara igotzeko irisgarritasuna helburu zutenak, izan ere, horrek ekarriko du herritarrek autoaren ordezkera jasangarriago bat izatea eta oinezkoak hartzea protagonismoa eta lehentasuna. Gainera, auzoei garrantzia eman zitzaizen deszentralizazio irizpideak (jolas parkeak, irisgarritasuna) erabiliz, eta auzoetan inbertsio garrantzitsuak egin ziren. Agintaldi honetan ere udalak jarraituko du auzoetan inbertsio nabarmenak egiten.

Horrez gain hainbat proiektu eta programa jarri dira martxan, trantsizio energetikoari bide emateko eta, batez ere, CO₂ isurketak murrizteko. Hiri mugikortasuneko eredu berri bat

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

garatuko da, autoaren erabilera gutxituko duena eta oinezkoa lehenetsiko duena, eraldaketa urbanistikoa gailendu dadin. Bide horretan, martxan jarri dira hainbat politika, zerkusua dutenak garraio publikoaren zerbitzua berrikustearekin, mugikortasun bertikalarekin jarraituko duten egitasmoak auzoen irisgarritasuna hobetzeko asmoarekin: bidegorria osatuko da, bizikletaren erabilera bultzatze aldera, TAO sistema berri bat ezarri da autoaren erabilera mugatuko duena, herria oinezkoentzat eta bizi komunitarioarentzat erosoagoa egingo duen sistema baterantz. Eraldaketa hori proiektu hauek islatuko dute 2023 urtera begira: Santa Teresako igogailu publikoa, etxe txikietatik igaroko den bidegorria, Gorostiza auzoko igogailu sistemaren proiektua edota San Frantzizko Musakola ekobulebarraren jarraipena.

Makatzenako igogailua eta Erguien auzoko igogailu sistema bukatu ondoren Galizia eta Agerre kaleetako igogailu sistemaren exekuzioan dihardu Udala eta horretarako 1.210.000€ bideratu dira. Gainera, Gorostiza auzoan igogailu sistema bat jartzeko 40.000€ jaso dira.

Mugikortasunarekin eta jasangarritasunarekin jarraituz, bidegorriaren jarraipena lehentasunezkoa da. Honenbestez, Etxe txikietarako obra aurrera eramateko 750.000€ jaso dira. Exekuzioan dauden bi obra hauek amaitu eta proiektu fasean sartzen da Udala. Horrela, aurrera begira, San Frantzizkotik Musakolara Ekobulebarraren jarraipena egiteko 20.000€ jaso dira proiektatzeko.

Era berean, San Andres kalean, Takoloko biribilgunetik Aretxabaleta bidean bidegorria txeratzeko proiektua egiteko 25.000€ jaso dira.

Mugikortasun Planaren berrikuspenerako 22.000€ jaso dira, orain 5 urte eginiko plana garatuta dagoelako eta etorkizuneko Arrasate planifikatu behar delako, oinezkoei lehentasuna emanez eta herri jasangarriaren irizpideak aintzat hartuz.

Arrasaten TAO sistema ezartzeko prozesu partehartzaileak eragin du hausnarketa komunitarioa, helburu duena biztanleek garraio publikoa hobestea autoaren aurretik. Modu horretan, lortu nahi da bide publikoan auto pribatuaren presentzia gutxitzea, herritarrek garraio publikoa zein bizikletaren erabilera hobestea, eta herriko CO₂ isurketa zein kutsadura akustikoa murriztea, herri jasangarri batetarantz pausoak ematen joateko. Herritarrek zein ausazko taldeak egindako lan baliotsua harturik, TAO sistema bat onartu da eta lehiaketa publiko bitartez esleitu da zerbitzua. Zerbitzua aurrera eramateko, 500.000 €-ko partida bat jaso da.

TAO sistema ezartzearen helburuetako bat da garraio publikoa sustatzea; horrela, garraio publikora bideratzen den aurrekontua da 490.000€.

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

Jasangarritasunaren ildotik argiteriako inbertsioak egiteko kontu saila indartu egin da 100.000 € guztira eta zentro publikoetako argiteria hobetzeko 70.000€ bideratu dira.

Herri barruan jarritako abiadura radarren gaineko balorazioa positiboa izan da, eta egitasmoarekin jarraitzea aurreikusten da; horrela, radarretan zinemometroa alokatzeko, 70.000 euroko partida bat jaso da. Era berean aire kalitatea neurtzeko kabina bat jartzeko eskaria egin zaio Eusko Jaurlaritzari eta 2023. Urtean egikarituko da eskaera.

Ingurumenari dagokionez, kobazuloetako garbiketak egiteko 5.000€ko partida bat jaso da eta natur bideen seinalizazioa egiteko 16.000€.

Arrasate herriak euskaraz bizi nahi du eta azken 30 urteotan, euskararen normalizazioan, aurrerapauso handiak eman ditu. Ahalegin handia egin da, esate baterako, eskola zein euskaltegietan belaunaldi euskaldunak gizarteratzen. Eta ahalegin handia egin da zenbait alorretan ere, besteak beste, merkataritzan, zerbitzuetan, herri komunikabideetan, enpresetan eta udal administrazioan. Hainbat mugimendu aitzindari izan dira, bai komunikabide arloan, bai herri aktibazioan.

Euskara zerbitzuaren helburu nagusia da egin beharreko ahaleginen plangintza egitea, koordinatzea, sustatzea eta gauzatzea, gizartean eta administrazioan euskararen erabilera normalizatu dadin. Horretarako, gidalerro nagusi bi ditu: udal barrurako erabilera plana, plan nagusia udalean lan hizkuntza eta zerbitzu hizkuntza izateko eta Euskara Sustatzeko Ekintza Plana (ESEP), helburu nagusia baita arrasatearrek edozein esparrutan aukera izatea euskara gehiagotan erabiltzeko. Erronka nagusia da jakitetik erabiltzera pasatzea, eta ekintzen planifikaziorako kontuan hartzen dira zerbitzutik egiten diren neurketak (kale neurketak, kirol entrenamenduen neurketak...). Erabilera indartzeko, udalak bat egin izan du eta bat egiten jarraitzen du Euskaraldiarekin.

Euskararen eragileekin batera, Kluster Soziolinguistikoaren laguntzarekin, udala lanketa bat egiten hasi zen 2017an hizkuntza aktibazioaren inguruan. Euskararen eragileekin egindako bilera batean jaso zen Euskalgintza soziala eta instituzionala apalaldian murgildua zegoen sententzia. Hortik abiatuta, erabaki zen hausnarketa prozesu bat martxan jartzea herrietan, euskararen erabilera sustatze aldera. Hautsak astindu eta egiturak aldatzeko beharra ikusirik, egoki ikusi zen modu eraginkor eta aktiboago batean lan egiteko moduak aztertzea, eta horretarako beharrezkoa da herrian elkarrekin jarduteko moduak aztertzea eta probatzea, lan egiteko modu berriak eraikitzea, gakoak identifikatzea eta metodologia sortzea. Prozesu horretatik eratorritako egitasmoen bide emateko, 15.000€ jaso eta 25.000 € ekintzak egiteko.

Bestalde, euskal hedabideak diruz laguntzen jarraituko dugu, hala nola Goiena prentsa eta telebistarako, 173.531,12 euroko partida bat bideratu da, eta Goiena irratirako 30.000 euroko partida bat. Aldiz, Mondraberri aldizkari digitalari 30.000 euroko partida bat gorde zaio, eta Arrasate Euskaldun Dezagun elkartearekin sinatutako hitzarmenari bide emateko, 44.345

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

euroko partida bat gauzatu da, zeinak Jokin Zaitegi beka ere barneratzen duen, Nobel sari bat euskarara itzulia izan dadin ahalbideratzeko. Euskarako dirulaguntzen partida mantentzen da 88.374 euroekin.

Kulturari dagokionez, behin Kulturola eta Juan Artzamendi Musika etxea bideratuta 24.000€ egokitu dira Juan Artzamendi eraikineko funtzionamendu gastuentzat, baita ere 10.000€ ekipamenduaren azken ikutuentzat.

2023ko aurrekontuan izango dute presentzia handiago Amaia Antzokiak eta Kulturatek: Amaia Antzokiko ekipamendura bideratu dira 20.000€ eta Kulturateko ekipamendura beste hainbeste (20.000€).

Kulturolaren egoitza berriak erantzun dio Udal Euskaltegiak behar duen lokal egoki baten eskariari, Euskal Kultura ardatz duten beste eragile batzuekin batera. Asmoa izan da euskaltegia uztartzea gainontzeko elkarte zein eragileekin, eta ahalbideratzea euskara ikastera datorren pertsonak aukera izatea euskal kultura ezagutzeko, euskal dantzak, bertsolaritza, trikitixa eta abar. Euskaltegi funtzionamendu, garbiketa eta ekipamendu gastuetarako 34.000€ bideratu dira.

Bestalde, aurreko urtean sortu zen antzerki eskola Doke Antzerki Taldearen eskutik eta ekimenari jarraipena emateko 10.000€ bideratu dira. Era berean, Goikobalu Abesbatzari 10.000€ dirulaguntza egokitu zaio, Trikitixa eskolari 9.000€ eta Txorbela otxoteari ere 6.000€ko laguntza, aurreko urtean hasitako bidea jarraiki.

Jaiei dagokienez, Udalak 738.000€ bideratuko ditu jaiak zein kultur ekintza ezberdinak ospatzeko: auzoetako jaiak ospatu ahal izateko diru partida indartu egin da, eta 75.000€ izatetik, 100.000€ izatera pasa da. Herriko jaiak ospatzeko 250.000€ jasotzen ditu aurrekontuak eta horri gehitu behar zaio kultur ekintzak aurrera eramateko 350.000€ eta Mondra & Roll jaialdia aurrera eramateko edo Arrasate Blues jaialdia aurrera eramateko partidak (18.150€ eta 20.000€ hurrenez-hurren).

Helburu nagusia da zerbitzuen eskaintza izatea askotarikoa eta kalitatekoa, eta, horretarako, ezinbestekoa da kasu bakoitzean lankidetzan aritzea herritarrekin, erakundeekin eta eragileekin. Jasotzen diren jarduera guztiak garrantzitsutzat jotzen dira, eta, horregatik, Herri Proiektuaren parte dira. Hala ere, jarduera batzuek ahalegin handiagoa eskatzen dute, bai plangintzan, bai baliabideetan. Ildo horretatik, Arrasate udalerrri aktiboa bilakatzeko ahalegina aipatu behar da. Izan kirola, izan ariketa, izan jarduera fisikoa, hirurak izan behar dira herritarren eskura egon beharreko aukerak, Arrasate izan dadin pertsona aktiboek bizileku aproposa.

Idea hori landu zen 2017an, Arrasateko Kirolaren Plan Estrategikoan, eragile askoren parte hartzearekin egindakoa, eta hainbat proposamen zehaztu zen, hala nola kirol eremuak

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

auzoetara irekitzea, aire zabalean ariketa fisikoa sustatzea, kirol elkartegintzaren lankidetzaren egiturak dinamizatzea, kirol ekitaldi garrantzitsuak antolatzea, kirol turismoa bultzatzea eta kiroldegi berri bat eraikitzea. 2021 uretan aurrera eraman da Arrasateko kirol azpiegituren mapa diseinatu eta zehaztea herritarrekin, kirol instalakuntzen erabiltzaileekin zein kirol klubekin. Lan hori amaitu egin da eta emaitza izan da hurrengo belaunaldietarako Kirol Instalakuntzen mapa bat.

Mapa horrekin aurrera egiteko 200.000€ bideratu dira, Iturripe Kiroldegi berriaren instalakuntza definitiboen proiektua 2023 urtean idazteko eta exekuzioarekin hasteko.

Gainera, Atletismo pista berritzeko 520.000€ jaso dira. Era berean, Uarkape pilotalekuaren teilatuan plaka fotovoltaikoak jartzeko 40.000€ bideratuta, baita ere eraikin honetan led argiak aldatzeko beste 50.000€.

Zehar-lerrozkotasunaren logikaren barruan, ezinbestekoa da gizartean berdintasuna bultzatzea, helburua baita gizartea egituraz eraldatzea eta aukera berdintasuna bermatzea.

Osoko Bilkurak 2018ko ekainaren 5ean mozio bat onartu zuen, zeinak eskatzen zuen udaleko sail guztietan baliabidea jarriko zirela berdintasun politiken inguruan formazio saioak egiteko. Berdintasun sailean partida espezifiko bat sortu zen aurreko agintaldian, eta hura mantentzea erabaki da, beste sail estrategiko batzuekin zehar lerrozkotasuna lantzeko eta aipaturiko formazioa eskaintzeko. Hura jorrazteko, 20.000 euro bideratu dira.

2006an Arrasateko Udalak "Emakumeen aurkako indarkeriari aurre egiteko Plana" onartu zuen, eta hasierako apustua 2006-2010 plangintza izatea erabaki bazen ere, 2012an erabaki zen plangintza 2013ra arte luzatzea.

Urte horietan guztietan Arrasateko Berdintasun sailak helburu eta jarduera asko egin baditu ere, aipaturako planean jasotzen zirenak, udalak premia zuen plana ebaluatu eta dagokion jarraipena egiteko, eta lan hori 2018 urtean gauzatu zen. Horregatik, indarkeria matxistaren kontrako bigarren planari jarraipena emateko, partida indartu da, 70.000 €. Bestalde, ekintzetarako partida 120.000 € tan mantentzen da orain bi urte 20.000€tan handitu ondoren. Emakume Txokoa lekuz aldatzeko, eta azterketa hori egiteko 20.000€ jaso dira.

Kontuan hartu behar da 2016. urtean Emakume Txokoaren egoitzak ez zirudiela egokiena zerbitzua eskaintzeko, gertakari bi deseroso zirela-eta, eta lekuz aldatzea proposatu zela Uarkapetik gertu dagoen leku batera.

Arrasateko Udalak Emakume Txokoa lekuz aldatzeko proposamena aintzat hartu eta proiektua idatzi zuen, eta Berdintasun teknikariarekin batera bermatu zuen udal jabetzako lokal publiko baten egokitasuna, Uarkapen dagoena.

Proiektua jadanik idatzita bazegoen ere (proiektuak jasotzen zuen haurtxoei bularra emateko eremu bat, eta prest zegoenean gauzatzeko, talde politiko guztiek ez zuten garbi ikusten proposaturiko leku berriaren egokitasuna, eta Udalbatza osatzen duten talde politikoekin akordio batera iristeko asmoarekin, berriro ere mahai gainean jarri zen zerbitzua zer lekutan

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			





Esp. kodea: 2022DPRE0001
Titularra: OGASUN BATZORDEA

Gaia: 2023ko Udal Aurrekontua
Hasiera data: 2022/11/30

ezarri aztertzea. Horretarako, udalak 50.000 euroko partida bat zuzendu zuen 2017ko aurrekontuetan. 2019ko abenduan EH Bildu udal taldeak proposatu zuen Emakume Txokoa Monterron jauregira eramatea, eta gobernu taldeak bat egin zuen proposamenarekin, baina Berdintasun sailak ez zuen ezelako asmorik erakutsi aukera horrekin aurrera egiteko.

Tokiko merkataritzak berebiziko garrantzia du eta izaten jarraitzen du. Sektoreak bizirik mantentzen ditu herriko kaleak, eta ehun ekonomikoaren parte da. Ildo horretan, partida batzuk jaso dira tokiko merkataritza sustatu eta, era berean, baserriarren azokari bultzada emateko. Herriko azokaren printzipioak dira bertakoa izatea (0 km) eta komunitatearentzat espazio, ingurugiro eta baserri munduaren mantentzea; herriko identitatea markatzen duten elementuak dira.

Merkataritza zein nekazaritza arloko ekintzak burutzeko 13.000€ko partida bideratu da eta tokiko merkataritza suspertzeko ekintzak egin ahal izateko 15.000€ko partida.

Ezinbestekotzat jotzen da merkataritza alorreko eragileekin elkarlanean aritzea, elkarlanaz baliaturik helburua da amankomunean jardutea. Horregatik herriko merkatarien elkarrekin elkarlanean hitzarmena mantentzeaz gain (31.000€), gabonen bueltan ekintzak elkarrekin antolatzeke gabonetako hitzarmen bereziarekin jarraitzen da. (20.000€).

Digitalizazioarekin aurrera egin ahal izateko 50.000€ bideratu dira eta gure tokiko merkataritzarekin zein beste instituzio batzuekin batera bono kanpainak egin ahal izateko 30.000€.

Alde Zaharreko hirigintza plan berezia aldatzeko prozesua bukatuta malgutu egingo dira alde zaharreko irizpideak eta horien artean egongo da zuntz optikoaren ezarpena. Udalak lortu zuen jada akordio bat telefonia operadore batekin eta lanak hasita daude. Lan horiek bukatzeko Udalak 30.000€ partida egokitu du.

Kodea	CL22/17958	Udala	ARRASATE/MONDRAGON
Data	2022/abe./06	CUDO	000.0055.AAAAXB6N.T.w4Do
URL	https://uzt.gipuzkoa.eus/PortalV/r/eu/55/AAAAXB6NT.w4Do		
Dokumentu honen baliotasuna egiaztatzeko hurrengo Web-an sarbideratu zaitetz edo QR irudia irakurri ezazu			

